

## ხელშეკრულება №22

### სახელმწიფო შესყიდვის შესახებ

ქ. თბილისი

19 თებერვალი 2021 წელი

ერთი მხრივ, შპს „სპორტმშენსერვისი“ (შემდგომში „შემსყიდველი“) წარმოდგენილი მისი დირექტორის თორნიკე ტყეშელაშვილის სახით და მეორე მხრივ, შპს „დათო“ (შემდგომში „მიმწოდებელი“) წარმოდგენილი მისი დირექტორის ნუგზარ დემეტრაშვილის სახით, „სახელმწიფო შესყიდვის შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის შესაბამისად გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

#### 1. ხელშეკრულების საგანი

ხელშეკრულების საგანია: შპს „სპორტმშენსერვისი“-ს ბალანსზე რიცხულ „ოლიმპიურ სასახლეში“ სხვადასხვა სახის სამშენებლო მასალების **CPV 44160000** - შესყიდვა;

#### 2. ხელშეკრულების ღირებულება

2.1 ხელშეკრულების ჯამური ღირებულებაა: **770 (შვიდასსამოცდაათი) ლარი;**

2.2 ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს;

#### 3. ანგარიშსწორების ფორმა და ვადები

3.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში (ლარში);

3.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული შესყიდვის ობიექტის მიწოდების შემდეგ ხელმოწერილი მიღება-ჩაბარების აქტის საფუძველზე;

3.3 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 3 კალენდარული დღის განმავლობაში.

#### 4. საქონლის მიწოდების ადგილი და ვადა

4.1 საქონლის მიწოდება უნდა განხორციელდეს ხელშეკრულების გაფორმებიდან 10 კალენდარული დღის განმავლობაში;

4.2 საქონლის მიწოდება განხორციელდება მიმწოდებლის მისამართზე: ქ.თბილისი, ფეიქრების ქ.12;

## **5. საქონლის მიღება ჩაბარების წესი**

**5.1** შესყიდვის ობიექტი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ;

**5.2** შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს: რევაზ გოგეშვილი;

## **6. მხარეთა უფლება-მოვალეობები**

### **6.1** შემსყიდველს უფლება აქვს:

- ნებისმიერ დროს განახორციელოს კონტროლი (ინსპექტირება) და ზედამხედველობა მიმწოდებლის მიერ ხელშეკრულების პირობების დაცვაზე (ინსპექტირებას განახორციელებს შემსყიდველი ორგანიზაციის წარმომადგენელი – თენგიზ დოლიძე)

### **6.2** შემსყიდველი ვალდებულია:

- უზრუნველყოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები;

### **6.3** მიმწოდებელს უფლება აქვს:

- მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

### **6.4** მიმწოდებელი ვალდებულია:

- მიაწოდოს შემსყიდველს შესყიდვის ობიექტი ხელშეკრულებით დადგენილ ვადებში;
- დაიცვას ხელშეკრულებით დადგენილი ყველა პირობა;

## **7. ხელშეკრულებით ნაკისრი ვალდებულებების შესრულების ინსპექტირება**

**7.1** ხელშეკრულებით ნაკისრი ვალდებულებების შესრულებას ინსპექტირებას ახორციელებს შპს „სპორტმშენსერვისი“-ს წარმომადგენელი თენგიზ დოლიძე;

**7.2** ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის კონტროლს;

**7.3** ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

## **8. ხელშეკრულების პირობების შეუსრულებლობა**

**8.1** ხელშეკრულებით ნაკისრი ვალდებულებების შესრულების ვადის გაშვების შემთხვევაში, მიმწოდებელს ეკისრება პირგასამტხელო ყოველ გადაცილებულ დღეზე შეუსრულებელი ვალდებულების ღირებულების 0.5%-ის ოდენობით;

**8.2** იმ შემთხვევაში თუ საქონლის მოწოდებიდან და შესაბამისად მიღება-ჩაბარების აქტის გაფორმებიდან 3 სამუშაო დღეში არ მოხდება თანხის ჩარიცხვა შემსყიდველს ეკისრება პირგასამტხელო ყოველ გადაცილებულ დღეზე შეუსრულებელი ვალდებულების ღირებულების 0.1%-ის ოდენობით;

- 8.3** იმ შემთხვევაში თუ პირგასამტეხლოს ოდენობა გადააჭარბებს ხელშეკრულების ღირებულების 3%, შემსყიდველი უფლებამოსილია ცალსახად შეწყვიტოს ხელშეკრულება;
- 8.4** პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## **9. ხელშეკრულებაში ცვლილების შეტანა და ხელშეკრულების შეწყვეტა**

- 9.1** ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 9.2** ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 9.3** ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 9.4** მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 7,2 პუნქტით გათვალისწინებული გადაწყვეტილების მიღების განზრახვის შესახებ;
- 9.5** ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## **10. დაუძლეველი ძალა**

- 10.1** მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

## **11. დავები და მათი გადაჭრის გზები**

- 11.1** ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

## 12. ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს 2021 წლის 15 აპრილის ჩათვლით;

## 13. მხარეთა რეკვიზიტები

<p>შ.პ.ს „სპორტმშენსერვისი“ საიდენტიფიკაციო კოდი: 204878542 მის: ქ.თბილისი, ჭავჭავაძის გამზ. #49ა საბანკო რეკვიზიტები: ს/ს „ტერა ბანკი“ ბანკის კოდი: TEBAGE22 ანგარიშის ნომ: GE08KS0000000360800806</p>	<p>შ.პ.ს. „დათო“ საიდენტიფიკაციო კოდი: 202174315 მის: ქ.თბილისი, ფეიქრების ქ.12 საბანკო რეკვიზიტები: ს/ს “საქართველოს ბანკი” ბანკის კოდი: BAGAGE22 ანგარიშის ნომ: GE25BG0000000346563900</p>
---	--

დირექტორი: თ.ტყეშელაშვილი

დირექტორი: ნ.დემეტრაშვილი

-----

-----

#	დასახელება	ზომის ერთ.	რაოდენობა	ერთ. ფასი	ჯამი	CPV
1	კვ. მილი 40*30*2	მეტრი	84	6.40	538	44160000
2	კუთხოვანა 40*4	მეტრი	30	7.00	210	
3	ზოლოვანა 30*3	მეტრი	9	2.44	22	
სულ: 770 (შვიდასსამოცდაათი) ლარი						

დირექტორი: თ.ტყეშელაშვილი

დირექტორი: ნ.დემეტრაშვილი

-----

-----